

Muostra

Chartas da rollas

Simon Spiller, treneder da ballapè dad üna squedra da giuvenils suot 14 ans

Tü est treneder da ballapè dad üna squedra da giuvenils suot 14 ans. Roman Müller es ün ballapeist fich bun in sieu club e sieu treneder l'ho arcumando per la selecziun. Tü l'hest già vis sün piazza, inua ch'el ho lascho inavous ün'impreschiun fich buna. Aunz cha tü't decidast però definitivmaing per si'entreda voust tü vzair che cha tü poust uschigliö auncha chatter our sur dad el. Cun üna maschina da retschercha chattast tü il protocol da WhatsApp ed il legiast tres. Che raquintast tü a tieu assistent Oli Zuber sur da Roman? Al chattast tü aunch'adüna adatto? Porta'l la disciplina necessaria? È'l saun?

Cumainza uschè: «Eau m'he infurmo sur da Roman Müller...»

Heinrich Unterseer, specialist da reclama

Tü est specialist da reclama e voust vender differents prodots a Roman. Che l'offrissast tü?

Cumainza uschè: «Eau vendess las seguintas chosas a Roman...»

Rahel Indergut, in classa parallela dad Olaf e Roman, inamureda in Roman

Tü est inamureda in Roman e l'hest perque tschercho sün Google. Uossa chattast tü be per cas il protocol da WhatsApp ed il legiast tres.

Tü nu sest, cha Sandy es sia cusdrina. Che pensast uossa da Roman? Al voust tü aunch'adüna scu amih?

Tü telefonast dalum a tia meglra amia e la raquintast da que cha tü hest let.

Cumainza uschè: «Tü nu crajast, che ch'eu d'he chatto our sur da Roman...»

Maria Müller, mamma da Roman

Tü hest gnida a savair dal treneder da Roman, cha que do protocols da WhatsApp da Roman aint il internet visibel per minchün.

Cun pissers guardast tü zieva e legiast ils protocols.

Tü vainst a savair, cha Roman t'ho quinto manzögnas ed es ieu in marculdi cun sia assa invezza dad esser sto tar sieu magister da sustegn.

Che pensast uossa da Roman? Che fessast tü, scha tü discurrissast cun Roman?

Cumainza uschè: «Eau nu vess penso, cha...»

Tü

Che pensast tü da Roman? Cu valütessast tü ad el? Che chattast bun, che nosch?

Cumainza uschè: «Eau pens da Roman...»

Dino Müller, bap da Roman

Tü hest gnieu a savair dal treneder da Roman, cha que do protocols da WhatsApp da Roman aint il internet.

Cun pissers guardast tü zieva e legiast ils protocols.

Tü vainst a savair, cha Roman t'ho quinto manzögnas ed es ieu in marculdi cun sia assa invezza dad esser sto tar sieu magister da sustegn

Che pensast uossa da Roman? Che fessast tü, scha tü discurrissast cun el?

Cumainza uschè: «Eau nu vess penso, cha...»

Roman Müller, scolar, sieus protocols sun gnies publichos

Stüdgia, che cha las seguaintas persunas pudessans penser da te, cur ch'els/ellas haun let ils protocols da chat:

- Simon Spiller, ün tnededer dad üna selecziun da giuveders suot 14 ans: El as voul infurmer, scha tü est avuonda disciplino e saun, per giuver illa la selecziun.
- Heinrich Unterseer, specialist da reclama: El at voul vender reclama per prodots, ch'el pensa, cha tü sapchast druver.
- Rahel Indergut, üna scolara da tia classa parallela: Ella es inamureda in te e s'infuorma via internet, per gnir a savair dapü sur da te.
- Tieus genituors, Maria e Dino Müller: Ils genituors vegnan a savair dal tnededer, cha'l protocol da chat es online. Els as faun pissers e vöglian svesse guardar cu proceder.

Ulteriuras infurmaziuns sur da te

- Sandy es tia cusdrina e tü t'inclegiast bain cun ella. Ultimamaing vais vus discuto sur da Jeans ed alura l'hest tü tramiss ün putret cun ün roboter travestieu.
- Olaf es tieu megllder amih, cun el vest suvenz cun l'assa.
- Marculti passo vessast tü vairamaing gieu üna lecziun supplementera, ma perche cha tieu magister d'eira amalo, est tü ieu cun Olaf cun l'assa sainza infurmer a tieus genituors.
- Tieu velo es gnieu invulo ultimamaing, adonta cha tü'l vaivast serro giò. Tü stuvaivast ir tar la pulizia e pajer üna multa da quaraunta francs, perche cha tü vaivast parco tieu velo in ün lö, inua cha que d'eira scumando.
- Tü giuvessast gugent illa selecziun da ballapè da giuveders suot 14 ans. Tü vessast da gnir invido bainbod ad ün trenamaint da prouva.
- Cun ir cun l'assa hest surchatscho duos voutas il daunt, ma pudaivast listess adüna giuver a ballapè.
- Dürant l'ultim trenamaint hest pers ün daint tar ün duel e stuvaivast perque ir tal daintist.
- Cun Olaf e Sandy hest tü üna vouta fat schnöss sur dal cunagir ils daints. Daspö lo es que la moda, ch'els at scrivan cha tü dessast cunagir ils daints.
- Cun que cha tü nu't poust indrumanzer fich bain, restast sdasdo fin a las 12 e legiast auncha u giouvast cun tieu telefonin.
- Ils raps per las roudas da l'assa hest clappo da tia nona, tü la stuvaivast però güder da zarcler aint il gardin.